

KERATAN AKHBAR

TARIKH : 10 OKTOBER 2022

AKHBAR : HARIAN METRO

MUKA SURAT : 21

Sesi ujian migrasi MRT hingga Disember

Kuala Lumpur: Sesi ujian migrasi sebagai persediaan untuk pengoperasian penuh Transit Aliran Massa (MRT) Laluan Putrajaya akan dijalankan bermula hari ini hingga Disember depan.

Ketua Pegawai Eksekutif Rapid Rail Sdn Bhd, Amir Hamdan berkata, pihaknya akan memantau rapi sesi ujian yang dijalankan oleh kontraktor pembinaan projek MRT itu bagi memastikan semua langkah dan prosedur dipatuhi.

"Sesi ujian ini akan melibatkan operasi tren ujian dari Stesen MRT Putrajaya Sentral sehingga Stesen MRT Kwasa Damansara. Tren-tren ujian ini akan berhenti di semua stesen MRT Laluan Putrajaya Fasa 1 dan tidak akan mengambil penumpang.

"Kekerapan tren pada waktu puncak pagi dan petang kekal seperti sedia ada ketika ujian dijalankan," katanya dalam kenyataan, semalam.

Operasi MRT Laluan Fasa Satu melibatkan perjalanan dari Kwasa Damansara

Sesi ujian migrasi MRT hingga Disember



SESI ujian akan melibatkan operasi tren ujian dari Stesen MRT Putrajaya Sentral sehingga Stesen MRT Kwasa Damansara. - Gambar NSTP/ASWADI ALIAS

hingga Kampung Batu bermula pada 16 Jun lalu manakala operasi Laluan Fasa Dua dijangka bermula Januari tahun depan sekali gus akan membolehkan tren melalui keseluruhan laluan dari Kwasa Damansara ke Putrajaya Sentral.

Amir berkata, sesi ujian ini adalah antara prasyarat yang ditetapkan oleh pihak berkuasa selain untuk mengukur dan menguji keberkesanan sistem menjelang pengoperasian penuh MRT Laluan Putrajaya.

"Pihak Rapid Rail akan memaklumkan pengguna sekiranya ujian ini dapat diselesaikan lebih awal daripada jadual," katanya.

Amir berkata, bagi memastikan penumpang tidak keliru, notis akan dipasang pada pintu tren yang terabit bagi melarang pengguna memasukinya dan pihak operasi juga menampal notis dan pengumuman di stesen turut dijalankan bagi makluman penumpang.

Pemakluman menerusi platform media sosial Rapid KL turut dijalankan. - Bernama